

# **MODUL PLAK SERURAN DIANGKATMANAH BELAMA**

**04 June 2016**

**- My Sarawak**

PADAWAN: ‘Kursus asas’ mai mutosikal antara sekeda program ke dituku dikena ngangkatka ‘Program Latihan Asas Kepolisan (PLAK)’, Ku Direktor Tusun Kereja Polis Diraja Malaysia (PDRM) Komisyener Polis Dato Sri Zulkifli Abdullah.

Bejaku bejadi baris tembu PLAK di Padang Kawad Pusat Latihan Polis (PULAPOL) Kuching di Padawan kemari, iya madahka modul PLAK sigi diangkatmanah ninting maya.

Ku iya, pekara nya ulih nentu pelajar penau polis seraris enggau standard polis ikas dunya.

“Mayuh bengkah modul udah diangkatmanah ketegal pengeran Polis ngangkatka kompentensi kelimpah nempa modal mensia bekualiti sereta beintegriti.

“Kursus asas nepan mutosikal lisin kelas B2 PDRM diberi ngagai semua rekrut polis ke benung belatih.

“Sida deka diuji nitihka standard ke udah ditetap ngambi ulih nempa rekrut ke amat landik nepan mutosikal ke ngembuan kuasa enda lebih ari 250 SP,”ku iya.

Iya nambah, pengelandik nya deka mantu rekrut diberi tanggungpengawa ba sebarang alai kelebih agi ke nguna mutosikal polis baka ‘Unit Ronda Mutosikal (URB)’, Ronda Sektor sereta ke bukai.

Ba pengawa kemari, 1,313 rekrut tembu Program Latihan Asas Kepolisan (PLAK).

Konstabel Morris anak Dennis ,25, ke asal ari Sibu dipilih nerima gelar Pelatih Pemadu Nyulut ba semua latih.

Iya ke ngembuan Sarjana Muda Sains ari Universiti Malaysia Sarawak (UNIMAS) nerima midul gelar nya ari Zulkifli.

Kelimpah ari nya, gelar Pelatih Pemadu Nyulut Akademik pulai ngagai pematih ari Gombak, Selangor, Konstabel Ronnie Julient A/L Thomas lalu gelar Pelatih Pemadu Nyulut Latih Luar pulai ngagai Konstabel Azmin Sodiwal ari Tawau, Sabah.

Zulkifli ngelalau rekrut baru seruran beratka penanggung ke ditapi rayat lalu sida patut sedia meri servis enggau lurus sereta enda besiping.

Bela datai Komandan Pulapol Kuching ACP Azman Salim, Sapit Komisenyer Polis Sarawak DCP Dato Abdul Aziz Yusof enggau orang bukai.

